

ՎԱՍՊՈՒՐԱԿԱՆ ՆԱՀԱՆԳԻ ՀԻՇԱՏԱԿՈՒՄԸ
ՄՈՎՍԵՍ ԽՈՐԵՆԱՑՈՒ «ՀԱՅՈՑ ՊԱՏՄՈՒԹՅԱՆ» ՄԵՋ

Ա. Վ. ՄՈՒՇԵՂՅԱՆ

Մովսես Խորենացու «Հայոց պատմության» գրության ժամանակն այսօր էլ մնում է Խորենացիագիտության և առհասարակ հայագիտության առավել վիճահարույց հիմնահարցը:

Մի քանի եվրոպացի, ինչպես և հայ հետազոտողներ Խորենացու Պատմության մեջ վաղուց ի վեր մատնանշում են մի ամբողջ շարք աշխարհագրական անուններ և պատմական անցքեր, որոնք ավելի ուշ շրջանի իրողություններ են և հետևաբար չէին կարող տեղ գտնել V դարում ստեղծված պատմական երկում: Մովսես Խորենացուն և նրա «Հայոց պատմությունը» VII—IX գգ. փոխադրելու կոմաններին մեկն էլ Վասպուրական նահանգի հիշատակումն է: Մեծ Հայքի ութերորդ աշխարհ Վասպուրականը, որ հայտնի է մեզ VII դ. հայերեն Աշխարհացույցից, ընդգրկում է Վանա ծովի արևելյան տարածքի 35—37 գավառ (ձեռագրերում դրանց թիվը տարբեր է)¹:

Գերմանացի հայագետ Հ. Հյուբշմանը առարկելով Ղ. Ինճիճյանին, Կիպերին և Յ. Մարկվարտին, որոնք Ստրաբոնի մոտ հիշատակված Բասորոպակա (հայց.՝ Βασωροπαιαν) տեղանունը նույնացնում էին հետագայի Վասպուրական նահանգի հետ, 1904 թ. «Հին հայոց տեղանունները» հմտալից աշխատության մեջ կարծիք հայտնեց, որ եթե Վասպուրական նահանգի անունը «պարթևական շրջանում» (իմա՝ մ. թ. 224 թվից առաջ—Ա. Մ.) արդեն ստեղծված լիներ, ապա այն պետք է հայտնի լիներ նաև Մովսես Խորենացուց առաջ՝ V և VI դարերի մատենագիրներին²: «Բայց պատմիչներ Փավստոսը, Կորյունը, Աղաթանգեղոսը, Նղիշեն և Ղազար Փարպեցին ծանոթ չեն դրան, և միայն

¹ Աշխարհացույցի ընդարձակ խմբագրությունը Վասպուրական աշխարհում թվարկում է ընդամենը 35 գավառ (Վենետիկ, 1881, էջ 32): Աշխարհացույցի 1865 թ. վենետիկյան հրատարակությունը (Մովսեսի Խորենացու Մատենագրությունը, էջ 608) նշում է 36 գավառ: Վիստոն Լոբայրների հրատարակած համառոտ Աշխարհացույցում (Լոնդոն, 1736) Վասպուրական աշխարհն ընդգրկում է 37 գավառ՝ «Վասպուրական է ի մտից Պարսկահայոց, և առերի Կորճէից, Գաւառք են նորա երեսուն և եօթն» (էջ 359): Հ. Հյուբշմանը (H. Hübschmann, Die altarmenischen Ortsnamen, Straßburg, 1904, S. 347) սրամիտ կերպով ցույց է տվել, որ Վասպուրականի գավառները Աշխարհացույցում թվարկված են շուրջ շարքով՝ Վանա ծովից արևելք, ընդ որում շարքերն ընթանում են արևմուտքից արևելք ուղղությամբ, իսկ յուրաքանչյուր շարքում գավառները թվարկված են հարավից հյուսիս՝ 1. Տոսպից մինչև Գառնի (նեբրալալ), 2. Բուժունից մինչև Արաազ (նեբրալալ), 3. Ակէից մինչև Ճվաշտոտ (նեբրալալ), 4. Կրճունից մինչև Նախճավան (նեբրալալ): Նույն միտքը կրկնում է և Ն. Աղոնցը, ընդունելով սակայն, որ միայն առաջին 18 գավառներն են դասավորված երեք շարքով—առաջին շարքը՝ հինգ գավառ Վանա ծովի արևելյան ափի երկայնքով՝ Ռշտունիք, Տոսպ, Բոգունիք, Առերան, Գառնի մինչև Կոգովիտ. երկրորդ շարքը՝ առաջինից դեպի արևելք և սկսվում է յեթեղ քաղաքից՝ Բուժունիք, Անձաքիք, Տրպատունիք, Երուանդունիք, Առնոյտոտ, Մարդաստան, Արտազ մինչև Կոգովիտ. երրորդ շարքը՝ նույնպես երկրորդից դեպի արևելք և սկսվում է դարձյալ յեթեղ քաղաքից՝ Ակէ, Աղբակ Մեծ, Անձահիճոր, Թոնրավան, Ճուաշտոտ մինչև Երասխ: Մնացած 17 գավառները, ըստ Ն. Աղոնցի, Վասպուրականի գավառացանկում թվարկված են խառնիխուռն (H. Адонц, Армения в эпоху Юстиниана, Ереван, 1971, с. 315—318):

² H. Hübschmann. Die altermenischen Ortsnamen, S. 211.

Մովսես Խորենացին է, որ մի անգամ հիշատակում է Վասպուրական նահանգը, որը հետագա պատմիչները (Ղևոնդ, VIII դ., Թովմա Արծրունի և Հովհաննես Կաթողիկոս, X դ. և այլն) շատ հաճախ են հիշում⁸։ Այստեղից երևիվում է, որ Հ. Հյուբշմանը Խորենացուն համարում է VI դ. հետո ապրած հեղինակ։

Նշելով, որ Վասպուրական բառը առաջին անգամ գործածել են VII դ. պատմիչ Սեբեոսը և միայն մեկ անգամ Խորենացին⁹, Ն. Ազոնցը նահանգի և նրա անվան ստեղծումը կապում է որոշակի պատմական անցքի և տարեթվի, այն է՝ 591 թվի իրանա-բյուզանդական դաշնագրության հետ, երբ Մորիկ կայսեր ռազմական աջակցությամբ պարսից արքա Խոսրով II-ը տապալեց ապստամբ Վահրամ Միհրեանդակին (այլ հեղինակների մոտ՝ Վահրամ Չորրին) և կրկին հաստատվեց Տիգրանի գահի վրա։ Ի նշան երախտագիտության, Խոսրով II-ը, նախնական իր խոստման համաձայն, Մորիկ կայսերը զիջեց, ի թիվս այլ վայրերի, Հայոց երկրի Տանուտերական տունը (Հովհաննես Դրասխանակերտցու և Վարդան Բարձրբերդեցու մոտ՝ Տանուտերական գունդը), այն է՝ Տարուբերան նահանգը և Այրարատ նահանգի մեծ մասը մինչև Դվին¹⁰, իսկ Վասպուրական գնդի կողմը մնաց պարսիկների իշխանության տակ՝ ճեւ կողմն Վասպուրական գնդին էր ի ծառայություն Պարսից արքային¹¹։ Հայաստանի բաժանման այս նոր սահմանագիծը ձգվում էր հյուսիսում՝ Կոտայքի Գառնի ավանից մինչև հարավ՝ Առեստ ավանը Բզնունյաց ծովի ափին։ Այստեղ Ն. Ազոնցը եզրակացնում է. «Գծից դեպի արևմուտք Տանուտերական երկիրն էր, իսկ դեպի արևելք՝ Վասպուրական գնդի երկիրը. պատմիչը, կարծես, հակադրում է այդ երկու տերմինները [...]։ Ինչևէ, հնարավոր է նաև, որ Վասպուրականը հայկական հողերի նկատմամբ կիրառվել է իբրև հայկական Թանուտերական տերմինի իրանական համարժեք։ Փաստորեն, տանուտերական էր և, ակներև, այդպես էր կոչվում ամբողջ պարսկական Հայաստանը ևսաթան 591 թվականը։ Տանուտերական երկրի մի մասը հոռոմներին անցնելուց հետո, Վասպուրական կոչվեց պարսիկների ձեռքը մնացած Հայաստանի մի մասը՝ ի տարբերություն հոռոմականի¹²։ Այսպես ընդունելով, կարելի է կարծել, թե 591 թվից առաջ ամբողջ մարզպանական Հայաստանը կոչվելիս է եղել Տանուտերական կամ Վասպուրական գունդ, որ, իհարկե, հիմնավորվում է։

Հ. Հյուբշմանի և Ն. Ազոնցի վերոհիշյալ փաստարկները չվրիպեցին Խորենացու մերօրյա ընդդիմախոսների ուշադրությունից և նոր գործող կոլման դարձան Խորենացուն V դարից տեղահանելու համար։ Այսպես, Կ. Թումանյանը¹³ և Ռ. Թումանյանը¹⁴ կարծիքով Մովսես Խորենացուն VIII դարում հաստա-

⁸ Նույն տեղում, էջ 261։

⁴ Н. Адонц, *նշվ. աշխ.*, էջ 232, ծան. I։

⁵ Պատմութիւն Սեբեոսի, աշխատություններ Գ. Արզարյանի, Երևան, 1979, գլ. ժԱ-ԺԲ, էջ 76—84, Յոհաննէս Կաթողիկոսի Դրասխանակերտցու Պատմութիւն Հայոց, Թիֆլիս, 1912, էջ 67—68, Թովմա Արծրունի և Անանուն, Պատմութիւն տան Արծրունեաց, Երևան, 1985, էջ 136—140, Սեծին Վարդանայ Բարձրբերդեցու Պատմութիւն տիեզերական, Մոսկվա, 1861, էջ 83։

⁶ Պատմութիւն Սեբեոսի, գլ. ԺԲ, էջ 84։

⁷ Н. Адонц, *նշվ. աշխ.*, с. 232։

⁸ С. Toumanoff, On the date of Pseudo-Moses of Chorene (*Հանդես ամսօրյա*, 1961, № 10—12, p. 470), idem: Studies in Christian Caucasian History, Wetteren (Belgique), 1963, p. 331—332։

⁹ Moses Khorenats'i, History of the Armenians, Translation, Introduction and Commentary of the Literary sources by Robert Thomson, Harvard University Press, Cambridge, Massachusetts, London, England, 1973, pp. 59; (Introduction), p. 205—206, n. 11։

տեղում փաստարկներից մեկն էլ այն է, որ նրա «Հայոց պատմության» մեջ¹⁰ մի անգամ գործածված է Վասպուրական տեղանունը՝ իբր Մովսեսն այդպես է անվանում Վանա լճից արևելք ընկած տարածքը։ Ըստ նրանց՝ Վասպուրական տեղանունն առաջին անգամ գործածության մեջ է մտել 591 թվին Իրանի և Բյուզանդիայի միջև կնքված պայմանագրից հետո։ Միայն մոտ 700 թ. (Թումանով) կամ VIII դարի սկզբում (Թումանյան) գրված «Narratio de rebus Armeniacis» («Պատմություն Հայաստանի դեպքերի մասին» — լատ.) գրքում է, որ Վասպուրականը գործածվել է այն իմաստով, ինչ նկատի ունի Մովսեսը։

Ավելի ճշգրիտ լինելու համար նշենք, որ խոսքը վերաբերում է «Διηγούμενος τὸν τὸν γένεσιν τοῦ ἀγίου ἰσχυροῦς βασιλεῦς τοῦ νυν...» («Պատմություն սուրբ Դրիգորի օրերից մինչև այժմ...») հոնարեն ժամանակագրությանը¹¹, որի մեջ քաղկեդոնական դավանանքին հարող անանուն հեղինակի ձեռքով շարադրված են լուսավորչի տան և հաջորդ շրջանի հայ կաթողիկոսների գործերը և IV—VII դարերի Հայաստանի համառոտ պատմությունը (§ 1—150)։ Այս Διηγούμενος-ի § 103-ում (latine, թ. 40)՝ հիշատակված է Վասպուրական նահանգը α τῆς Ἀποσταλῆς¹² καὶ οὐ εἰσερχομένης — «Վասպուրական աշխարհի եպիսկոպոսները»։ Դարձյալ ավելի ճշգրիտ լինելու համար նկատենք, որ հոնարեն Διηγούμενος-ից ավելի վաղ Վասպուրական տեղանունը հայ մատենագրության մեջ հիշատակված է VII դարի երկու նշանավոր երկում՝ Մովսես Խորենացուն և Անանիա Շիրակացուն վերագրվող Աշխարհացույցում¹³ և Սեբեոսի Պատմության մեջ¹⁴, ինչպես տեսանք վերը։ Նշենք նաև, որ Մովսես Խորենացին բացի «Հայոց պատմություն»-ից Վասպուրական հիշատակում է մի անգամ նաև Սահակ Արծրունուն գրած պատասխան թղթում¹⁵։

Հիշյալ և մյուս հետազոտողները պնդում են, որ Վասպուրական նահանգի հիշատակումը V դարում գրված Պատմության համար պետք է անաքրոնիզմ համարել և քանի որ այդ տեղանունը գործածության մեջ է մտել 591 թվի

¹⁰ Մովսեսի Խորենացու Պատմություն հայոց, Տիգիս, 1913, Բ. կր, էջ 194։

¹¹ Διηγούμενος հին հոնարեն բնագիրն առաջին անգամ լույս է տեսել հետևյալ ժողովածուում՝ F. Combeffis, Historia Haeresis Monotelitarum (in: Auctorum novum...) T. II. Paris, 1641, ապա և Migne, Patrologiae Graecae, T. 112. Διηγούμενος հոնարեն բնագիրը, ինչպես և հին վրացերեն խմբագրությունը (Ֆրանսերեն ղուգադիր թարգմանությամբ) հրատարակեց բելգիացի արևելագետ Ժ. Գարիտը, 1952 թվին՝ ծավալուն հմտալից պատմա-բանասիրական ուսումնասիրությամբ հանդերձ՝ La Narratio de rebus Armeniacis, Louvain 1952, pp. 26—41, 417—418. Διηγούμενος հին վրացերեն խմբագրությունը առաջին անգամ հրատարակել է Ժորդանիան 1892 թ. (Քրոնիկերի, էջ 336—341), իսկ Լ. Մելիքսեթ-Քեկն այն թարգմանել է հայերեն և ղեկավարել Վրաց աղբյուրները Հայաստանի ու հայերի մասին գրքի Ա հատորում (Երևան, 1934, էջ 77—81՝ Պատմվածք Պատմությունից)։ Ժ. Գարիտի հրատարակած Διηγούμενος-ի տառական բնագիրը հոնարենից հայերեն թարգմանեց և առաջաբանով հրատարակեց բյուղանդագետ Հր. Բարթիկյանը (La Narratio de rebus Armeniacis—Բանիքը Վասպուրականի, 1902, № 6, առաջաբան՝ էջ 437—459, խորհրդանշական էջ 460—470)։

¹² Διηγούμενος հին ապագրության մեջ (F. Combeffis, Historia Haeresis Monotelitarum (in: Auctorum novum...) T. II, Paris, 1641, p. 261) տպված է Ἀποσταλῆς և ἰσχυροῦς։

¹³ Վասպուրականի մասին Պարսկահայոց, եւ առ երի Կորճէից. ունի գաւառս երեսունհինգ (Աշխարհացույց Մովսէսի Խորենացու, յաւելուածովք նախնեաց, Վենետիկ, 1881, էջ 32)։

¹⁴ Եւ կողմն Վասպուրական գեղին էր ի ծառայութիւն Պարսից արքային (Պատմութիւն Սեբէոսի, էջ 84)։

¹⁵ Թուղթ առ Սահակ Արծրունի (Մովսէսի Խորենացու Մատենագրությունը, էջ 284)։

իրանա-բյուզանդական պայմանագրից և հատկապես VII դ. հայերեն Աշխարհացուցից հետո, ապա ուրեմն հորենացու Պատմությունը գրվել է գրան հաջորդող ժամանակաշրջանում:

Մովսես հորենացուն բացատրելու համար, և մանավանդ բացատրելուց առաջ, հարկավոր է հասկանալ նրան: Տեսնենք, ի՞նչ «Վասպուրական նահանգի» մասին է խոսում Պատմահայրը:

Հորենացին «Պատմություն հայոց»-ում մեկ անգամ, իրոք գործածում է Վասպուրական հետևյալ կապակցությամբ: Հայոց Տիրան թագավորի ժամանակ Անձևացյաց տոհմից Երախնավու անունով մի սեզ երիտասարդ ամուսնացել էր Տիրան թագավորի մեռած եղբոր՝ Արտավազդ Բ-ի կանանցից վերջինի հետ, որ բերվել էր Հունաստանից: Եվ որովհետև Արտավազդը զավակներ չունեցավ, ուստի Տիրանը Երախնավուն շատ սիրելով, որպես ընտիր և համեստ մարդու, Վերան է թողնում Արտավազդի ամբողջ տունը և երկրորդական գահը, որ գրավում էր Արտավազդը, և Երախնավուն վստահելով արևելյան գործի հոգատարությունը՝ նրա մոտ է թողնում իրեն մտերիմ Դրվասպ անունով մի ոմն պարսիկի, որը խնամիացել էր Վասպուրականի նախարարների հետ, և որին նա (Տիրանը) տվել էր Տատյոնք (ձձ. Տատեօնք, Տատեանք) ավանը՝ ազարակներով հանդերձ և այն մեծ այգին, որի մեջ մտնում (որի միջով անցնում) էր Գալլատվա ծովից հանած Առու գետը»¹⁶:

Նախնիցս գլխիներից գիտենք, որ Արտավազդ և Տիրան եղբայրների հոր՝ Արտաշես Բ թագավորի օրոք երկրորդական գահը գրավում էր Մուրացյան տոհմի նահապետ Արդամը: Արտաշեսը Արդամին դավադրության մեջ կասկածելով, երկրորդության պատիվը հանձնել էր իր Արտավազդ որդուն, որը ժառանգություն ստացավ նաև Վանաձորի, և ըստ հիստորիկ Երախնավու մեծանուն գիշտ, յոթում և ապարան և բերդ»¹⁷, այնուհետև Արտաշեսը իր գործի իշխանությունը բաժանեց չորս մասի՝ արևելյան, արևմտյան, հարավային և հյուսիսային և արևելյան գործը հանձնեց Արտավազդին¹⁸:

Այսպիսով, հիշյալ Երախնավու Անձևացուն թողնելով իր անհայտ կորած եղբոր՝ Արտավազդ արքայի ամբողջ տունը՝ Նախճավան գավառն իր գլուղներով, ապարանքներով ու բերդերով և նրան (Երախնավունին) նշանակելով Նախճավանում իր թագավորության երկրորդ և Հայոց արևելյան գործի գլխավոր, Տիրան թագավորը զնաց Եկեղյաց (գավառի) կողմերը և Չըրմէս ավանում հաստատեց իր արքունիքը¹⁹:

Շուտասելուկի նման իրար հաջորդող այս խիտ ու հակիրճ տեղեկություններից, սակայն, դժվար է կռահել, թե ո՞վ էր պարսիկ Դրվասպը, ինչպե՞ս կարող էր նա Վասպուրականի նահանգի նախարարների հետ խնամիականությամբ դառնալ Տիրան թագավորի մտերիմը, և ամենևին հասկանալի չէ, թե նույն այդ Տիրանը²⁰, որ հավատարմությամբ հպատակվում էր հռոմեացիներին

16 Բերում ենք մեր թարգմանությամբ: Հմմտ. Մովսիսի հորենացու Պատմություն հայոց, Բ. կթ, էջ 194. «Եւ քանզի դաւակ ոչ գոյր Արտաւազդայ, արքայ թողու յԵրախնաւու զամենայն տունն Արտաւազդայ: Զի ասէին զնա այր ընտիր լինել և համեստ յամենայնի, այլ և ի ցանկութիւնս մարմնոյ իբրեւ զօրինաւոր ոք: Զոր սիրեալ արքայի, տայ նմա զգահն երկրորդական, զոր ունէրն Արտաւազդ. և զհոգս արեւելեան զօրուն ի նա հաւատացեալ առ նմա թողու զԵրախնավ ոմն պարսիկ զմտերիմ իւր, որ խնամեցեալ էր ընդ նախարարս Վասպուրականի, որում տունալ էր դաւանն Տատեօնս հանդերձ ազարակօքն, և զայգին մեծ՝ յոր մտաներ առուն գետ, հանեալ ի ծովէն Գալլատուայ: Մայլս՝ «այն միակ այգին, որի մեջ էր մտնում Գալլատվա ծովից հանած մեծ առուն»:

17 Խոր., Բ. ծա, էջ 180:

18 Խոր., Բ. ծգ, էջ 184:

19 Խոր., Բ. կթ, էջ 194:

20 Ակադ. Ս. Տ. Երեմյանն այս Տիրանին նույնացնում է հայոց Տրդատ Բ թագավորի հետ և հորենացու հայտնած կցկտուր տեղեկությունների հիման վրա փորձել է վերականգնել պատ-

(«մտերմությամբ ծառայեաց Հռոմայեցւոց»)²¹, ինչպե՞ս կարող էր պարսիկին վստահել հայոց արեւելյան զորքի զորագլխի օգնականի պաշտոնը:

Հատկապես կասկածի տեղիք է տալիս Վասպուրականի հիշատակումը: Խնդիրը միայն այն չէ, որ բացի Խորենացուց, V դ. հայ մատենագիրներից ոչ մեկը (Ագաթանգեղոս, Կորյուն, Նդիշ, Փավստոս, Փարպեցի և այլք) չի հիշատակում այս նահանգի անունը, ինքը՝ Խորենացին էլ «Հայոց պատմութեան» մեջ բազմաթիվ առիթներով անդրադառնում է Բզնունյաց (Վանա) ծովի արեւելյան տարածքի գավառներին, բայց ոչ մի անգամ այլևս չի հիշատակում Վասպուրական տեղանունը. ավելին՝ Մեծ Հայքի նախարարական տների ծագման մասին խոսելիս, Պատմահայրը որոշակի տեղեկություն է տալիս հայոց Վաղարշակ Պարթև թագավորի օրոք (մ. թ. ա. II դ. վերջին)²² ապագա Վասպուրական աշխարհի տարածքում եղած Մարդպետի իշխանության մասին, որով կարծես ակնարկում է «Հայոց պատմությունը» գրելու ժամանակ՝ V դ. վերջին, գոյություն ունեցած մի համանուն նահանգ, ինչպես վարվել է մյուս նախարարությունների դեպքում: Նա հաղորդում է, թե Մեծ Հայքի առաջին Արշակունի թագավոր Վաղարշակ Պարթևը, ի թիվս այլ նախարարությունների և արքունական պաշտոնների, ներքինիների նահապետ Հայրին իշխան կարգեց Ատրպատականից մինչև Ճվաշ(ոտ) և Նախճավան «նա և ներքինիս հրամայե (Վաղարշակ) ի նոյն ազդէ խզել. և նահապետ նոցա զՀայր իշխան մասին Ատրպատականէ մինչև ցՃուաշ»²³ և ցՆախճաւան»²⁴: Հայր իշխանին Խորենացին այլուր անվանում է «Մարդպետն կոչեցեալ Հայր»²⁵:

Փավստոսը նույնպես ներքինի Մարդպետների գործակալությունը կապում է առաջին Արշակունի թագավորի հետ, նշելով, որ Մարդպետություն գործակալությունը և Հայր կոչված պաշտոնը տրվում էր ներքինիներին՝ Արշակունյաց թագավորության բուն սկզբից. «Այս գործակալութիւն և մարդպետութիւն, որում Հայրն կոչէին, ներքինեաց գործ լեալ էր ի բնէ ժամանակաց ի թագավորութեանն Արշակունւոյ»²⁶: Ըստ էության, Փավստոսը ևս հաստատում է, որ Մարդպետի իշխանությունը տարածվում էր մինչև Ատրպատականի Գանձակ

մական իրողությունը. «Խորենացու պահպանած կիսապատմական-կիսաառասպելական տեղեկությունները հիմնականում ճիշտ են արտացոլում իրականությունը: Արտավազդը 228—230 թթ. թագավորել է Վերին Մեգիայի կենտրոն էկրատանում: Նրան հովանավորում էր Հայոց թագավոր «Խոսրով» — Տրդատ Բ-ն (իմա՝ Տիրան — Ա. Մ.), որն իրեն համարում էր առաջին գահակալը Արշակունի դինաստիաների միջև, իսկ պարթև Արտավազդը արդեն գրավում էր «երկրորդական դաշը»: Մոտ 230 թ. Տրդատ Բ-ն իր արեւելյան բանակով, որի հրամանատարն էր Երանայվու Անձեացին, օգնության է գալիս Արտավազդին: Սակայն վերջինիս գերում են Սասանյանները, տանում Տիրան և այնտեղ գլխատում: Չնայած դրան, Տրդատ Բ-ն կարճ ժամանակով տիրել էր էկրատան քաղաքին՝ իր Վերին Մեգիա նահանգով, երկրի կառավարումը հանձնելով Երանայվու Անձեացի նախարարին: Ինչպես վկայում է Խորենացին, «Տրդատը յոթն պարսւյան էկրատանին տիրելով՝ թողնում է այնտեղ իր երկրորդին և վերակացուն ներ ու վերադառնում Հայաստան՝ իր հետ բերելով Կամսարին՝ նրա բոլոր ունեցվածով» (Խոր., Բ. 8 է), Ս. Տ. Երեմյան, Հայաստանը և առաջին Սասանյանները (Հայ ժողովրդի պատմություն, հ. II, Երևան, 1984, էջ 30—31):

²¹ Խոր., Բ. կր, էջ 193:

²² Ըստ Ստ. Մալխասյանցի սինխրոնիկ աղյուսակի, հայոց Վաղարշակ արքան թագավորել է մ. թ. ա. 132—111 թթ. (Մովսես Խորենացի, Հայոց պատմություն, աշխարհարար թարգմանություն Ստ. Մալխասյանցի, Երևան, 1968, էջ 384), իսկ ըստ Գ. Սարգսյանի՝ մ. թ. ա. 137—116 թթ. (Մովսես Խորենացու «Հայոց պատմության» ժամանակագրական հավակարգը, Երևան, 1965, էջ 69):

²³ Ճուաշ — Աշխարհացույցում՝ Ճուաշոտ-Վասպուրական աշխարհի գավառն է (Աշխարհացույց Մովսեսի Խորենացու, էջ 32):

²⁴ Խոր., Բ. է, էջ 112:

²⁵ Խոր., Գ, Ժ, էջ 274:

²⁶ Փավստոսի Բիւզանդացւոյ Պատմութիւն հայոց, Երևան, 1987, Ե. է, էջ 316:

քաղաքը, որը սահման էր Հայաստանի և Պարսկաստանի միջև, և որտեղ Պապ թագավորի օրոք (368—374 թթ.) սահմանապահ էր կարգված Գղակ Մարգպետը²⁷: Խորենացին, անշուշտ, Փավստոսի Պատմությունից իրադեպ է, որ Ատրպատականի ձեռին (ձեռական-սեփական) իշխանությունը սահմանային Գանձակ քաղաքով Հայաստանին անցավ Արշակ Բ-ի թագավորության ժամանակ (350—368 թթ.), որ Շապուհ Երկայնակյացը պարգևել էր հայոց Արշակ թագավորին իբրև երկրորդական տուն²⁸: Սակայն, Պատմահայրը, ըստ երևույթին, ոչ առանց հիմքի Ատրպատական աշխարհը մտցնում է Մարգպետի իշխանության մեջ գեո ավանդական Վաղարշակ թագավորի ժամանակից, հանձին որի հետազոտողները տեսնում են Հայաստանի թագավոր Տրդատ Ա-ին՝ պարթևների թագավոր Վաղարշ Ա-ի եղբորը²⁹: Այս ենթադրել է տալիս, որ Խորենացու Պատմության Բ. է գլխում Հայր Մարգպետի իշխանության սահմանները արտացոլում էին մ. թ. I դ. կեսերի պատմաաշխարհագրական իրողությունը³⁰:

Խորենացին Մարգպետի իշխանության մեջ է մտցնում նաև Նախճավան դավաոր Արաքս գետի հյուսիսային հովտում³¹:

²⁷ Փավստոս, Ե. դ., էջ 310:

²⁸ Նույն տեղում, Գ. ժգ, էջ 194, Գ. ծ., էջ 248, Ե. ք, էջ 318:

²⁹ Dr. J. Marquart, *Eranšahr nach der Geographie des Ps. Moses Xorenac'i*, Berlin, 1901, S. 117.

³⁰ Ն. Ադոնցը գտնում է, որ Հայաստանը տիրույթներ ուներ Ատրպատականում դեռևս III դ. վերջին: Հայաստանում Արշակունյաց հարստության վերականգնման ժամանակ՝ 298 թ. հռոմեացիների և պարսիկների կնքած պայմանագրով Հայաստանի և Պարսկաստանի միջև սահման ճանաչվեց Զինթա ղզյակը, որը գտնվում էր Միդիայի (Մարաստան) սահմանագծի վրա (Н. А. Дюбуа, *Археологические исследования в Персии*, с. 220—227). Մինչդեռ ակադ. Ս. Երեմյանը հիմնավորում է այն տեսակետը, որ մ. թ. 54 թ., երբ Մեծ Հայքը դեռևս գտնվում էր հռոմեական իշխանության տակ և Տրդատ առաջինն իր եղբոր՝ պարթևական թագավոր Վաղարշ Ա-ի կողմից (51—80) Մծբինում բարձրացվեց հայկական դահին, նրան որպես ձեռական իշխանություն շնորհվեց միաժամանակ նաև մի ընդարձակ տարածք Ատրպատական աշխարհում, որը պատկանում էր անձամբ Տրդատ Ա-ին, իսկ նրանից հետո անցավ Հայաստանում թագավորած բոլոր Արշակունի դահակալներին, ընդհուպ մինչև 387 թ. կամ թերևս մինչև Արշակունյաց անկումը 428 թ. [Ս. Երեմյան, Պայմանական հողատիրության առաջացման հարցի շուրջը ֆեոդալական Հայաստանում (Պատմա-բանասիրական հանդես, 1971, № 1, էջ 5—6)]:

³¹ Բ. ձարությունյանը Խորենացու նույն վկայության հիման վրա հանդել է հակառակ հետևություն. «Համաձայն Մովսես Խորենացու հաղորդման, Մարգպետականը տարածվում էր Ատրպատականի սահմաններից մինչև Ճուաշ և Նախճավան: Եղրակացությունը մեկն է: Գոնև իր հին շրջանում Նախճավանը չի մտել Մարգպետականի և դրանով իսկ Վասպուրականի մեջ» [Բ. Հարությունյան, Մեծ Հայքի Վասպուրական աշխարհը ըստ «Աշխարհացոյցի»-ի (Բանբեր Երևանի համալսարանի, 1983, № 3, էջ 126)]: Հարդելի պատմաբանի կարծիքով միայն մ. թ. II—III դարերում է, որ «մեղ անհայտ պատճառներով» արբունիքը Գողթն և Նախճավան դավառներն անջատել է Սյունիքից և մտցրել Մարգպետականի մեջ (նույն տեղում):

Մեր իսկ տեսակետը, որ Նախճավանը Մարգպետականի մեջ էր մտնում դեռ մ. թ. ա. II դարից, բխում է հետևյալ փաստարկներից՝

ա) Խորենացին տվյալ տեղեկության մեջ թվարկել է Մարգպետականի սահմաններում ընդգրկված դավառները—հարավից—հյուսիս՝ ներառյալ և Նախճավանը:

բ) Նախճավան դավառը հայոց արքունի տան սեփականությունն էր ի սկզբանե, որի մի քանի ավաններում (Խրամ, Զուղա, Խորշակունիք [․․․] մինչև Նախճավան ամրոցը) հայկազյան Տիրդան Ա թագավորը (Խոբ., Ա. I, էջ 83) բնակեցրեց Աթղահակի դեմ պատերազմում զերված մարերին:

Բացի այդ, Խորենացին ավանդական Վաղարշակ թագավորին է վերապրում նաև մի շարք այլ նախարարական տների հաստատումը Վանա ծովի արևելյան տարածքում, ինչպես՝ Արծրունիք, Գնունիք, Անձևացիք, Ակեացիք,

գ) Հայոց Վաղարշակ թագավորը Աժդահակի սերնդից առաջ եկած Մուրացյան տոհմի նահապետին նշանակեց իր թագավորության երկրորդը և նրան թողեց բոլոր այն շենքերը, որտեղ ապրում էին Մարաց գերիները (Խոր., Բ. Ը, էջ 112):

դ) Արտաշես թագավորի օրոք Արտավազդ արքայազնը ծերունի Մուրացյան Արգամ նահապետից ևս վերցրեց երկրորդական դահլը կամ երկրորդության պատիվը և իրեն ժառանգություն դարձրեց նախնական ու Մուրացյան տոհմի բոլոր դուզերը Երասխից (Արաքսից) հյուսիս՝ նրանց մեջ եղած ապարանքներով ու բերդերով (Խոր., Բ. ծա, էջ 180—181):

ե) Արտավազդ թագավորի մահից հետո նրա եղբայր Տիրան թագավորը Արտավազդի ամբողջ տունը, այն է՝ նախնական դավառն իր դուզերով ու բերդերով թողեց Երասխավու Անձևացուն, որին Արտավազդի փոխարեն վստահել էր նաև երկրորդական դահլն ու արևելյան գործի հողատարությունը (Խոր., Բ. կբ, էջ 194): Յավոք, հետագոտողներն աչքաթող են արել նշված փաստերը. դրանք համոզիչ ցույց են տալիս, որ նախնական դավառն ի բնե եղել է Հայոց արքունի տան սեփականությունը և որպես այդպիսին սկզբից և՛ ժամանակ էր Մարդակտական իշխանության մեջ՝ այդ ինստիտուտի կազմավորման ժամանակից ի վեր, քանի որ վերջինս ոչ այլ ինչ էր, քան արքունապատկան տիրույթների գերատեսչություն: Ավելին՝ բերված տվյալներից հավաստիանում ենք, որ նախնականը Հայոց թագավորության երկրորդական դահլը զբաղեցրել էր նախարարի ուստանն էր (անկախ նրա տոհմից) այն ամբողջ ժամանակաշրջանում, երբ թագավորի ուստանը գտնվում էր մերթ Մծբինում (Վաղարշակ-Սանատրուկ), մերթ Արտաշատում (Արտաշես Բ), մերթ էլ Չրմեսում (Տիրան Ա): Այսպես պետք է հասկանանք նաև Թովմա Արծրունու վկայությունը Հայոց Սանատրուկ թագավորի հաջորդ Երվանդի մասին (մ. թ. I դ.). «և երթայ (թագավորն Երուսաղեմ) զտեղի ի նախնականն աւանի յոստանին Վասպուրական աշխարհին» (Թովմա Արծրունի և Անանուն, Պատմութիւն տանն Արծրունաց, Երևան, 1985, էջ 84): Այդ նույն Երվանդի մասին Խորենացին հաղորդում է, թե նա շատ գործերի վրա Սանատրուկից վերականգնեց առաջնորդ ուղարկվեց և բոլոր նախարարների մեջ առաջինը եղավ (Խոր., Բ. լէ, էջ 162): Ուստի երկու հեղինակների հաղորդումները միացնելով, կարող ենք եզրակացնել, թե Երվանդ Արշակունին Սանատրուկ թագավորի օրոք նշանակված է եղել Հայոց թագավորության երկրորդ և փոխարդիվ է նախնական ուստանը: VII դարի կեսերին նախնականը Մարդակտական գնդի ուստանն էր, և այնտեղ էր գտնվում Մարդակտական եպիսկոպոսի աթոռանիստը: Դվնո եկեղեցական 5-րդ ժողովի ցուցակում ներսևս կաթողիկոսից հետո նշված եպիսկոպոսն է Տէր Յովհաննէս Ոստան և Մարդակտական (Կանոնք Դուռնայ սուրբ ժողովոյն. Արարատ, 1905, փետրվար (Հավելված), էջ 200—201): Արել Մխիթարյանցը Դվնո 5-րդ ժողովը դնում է 645 թվին (Պատմութիւն ժողովոց Հայաստանեայց եկեղեցւոյ, Վաղարշապատ, 1874, էջ 86), իսկ Ն. Աղոնցը՝ 644-ին (H. A. ДОНЦ, նշվ. աշխ., էջ 334): Թովման (էջ 204) հիշում է Վահուստյան տոհմից ոմն Սահակի, որ եպիսկոպոս էր «ոստանին նախնականու և Մարդակտականի»: Մոտ 705 թ., երբ արարներն ուխտադրուժ կերպով նախնականի ս. Գրիգոր եկեղեցում ողջակեզ արեցին հայ նախարարներին, նախնականը հանվեց Վասպուրականից (Թովմա Արծրունի, էջ 390) և միացվեց Սյունիքին, որից հետո Մարդակտական եպիսկոպոսի աթոռը նախնական ուստանից փոխադրվեց Մարդաստան գավառի Համբուրաղան ավանը (Թովմա Արծրունի, էջ 372): Սրանով էլ արդարանում է նախնական գավառի առկայությունը VII դարի «Աշխարհացոյց»-ի ընդարձակ խմբագրության Վասպուրական աշխարհի կազմում, ուստի հիմնավոր չէ Ն. Աղոնցի ենթադրությունը, թե Գողթն գավառի հետ նախնականը ևս «Աշխարհացոյց»-ի Վասպուրականի մեջ է մուծվել Թովմա Արծրունու Պատմության աղբյուրներից: Ժ դարից հետո (H. A. ДОНЦ, նշվ. աշխ., էջ 318, ծան. 4): Գալով Գողթն բավառին, հարկ է նշել, որ այն նույնպես արքունական կալված էր դեռ Արտաշես Բ-ի ժամանակ, որը, իր դայակ Սմբատ Բաղրատունու վաստակն ըստ արժանվույն գնահատելով, նրան է պարգևում «զմասն արքունի, որ ի շէնս Գողթան և Ղուղտու ակունսն» (Խոր., Բ. ծգ, էջ 183): Բայց Սմբատը, տեղի տալով արքայազն Արտավազդի ընդդիմությանը, հեռացավ այդտեղից և հաստատվեց Տմորիքում (Ասորեստանի սահմանի մոտ): Ուրեմն Գողթն գավառը ևս պետք է մտած լինել Մարդակտականի մեջ. այս պատճառով էլ Խորենացին հաղորդում է, թե «Բըշտունիների և Գողթնեցիների մասին գտա պատմած, թե նրանք արդարև զատված են Սիսա-

Ռշտունիք, որոնք հետագայում մտան Վասպուրական նահանգի մեջ⁸², բայց այդ նախարարությունները հորենացին դիտում է Մարդպետի իշխանություններից անկախ և ուրեմն դրանք չէին մտնում Մարդպետական իշխանության մեջ: Փավստոսի վկայությամբ, նույն Հայր Մարդպետի իշխանության մեջ էին մտնում և Տարոն գավառի գյուղերը Աշտիշատի և Ողական ամրոցի կողմերում⁸³, Եփրատ (Արածանի) գետի մոտակայքում, անշուշտ, նաև Բզնունյաց գավառը, որ հարքունիս գրավվեց հոսսրով Փոքրի օրոք՝ Դատաբե նահապետի մահապատժից հետո⁸⁴: Ըստ Փավստոսի, մի Մարդպետական գործակալություն էլ գոյություն ունեւ Անդեղտուն գավառում և Մոփաց աշխարհում: Հայոց Տիրան և Արշակ Թագավորների տարիներին այստեղի Հայր Մարդպետն էր ներքինի Դրաստամատը, որի տեսչությանն էին հանձնված այդ կողմերի բոլոր արքունական բերդերը՝ նրանցում պահվող զանձերով, և նրա բարձն ավելի վեր էր, քան բոլոր նախարարներին⁸⁵: Այլ կերպ ասած, Դրաստամատն ընդարձակ առումով Մոփաց կողմն⁸⁶ կոչված աշխարհի Հայր Մարդպետն էր:

Ի մի բերելով երկու հեղինակների տեղեկությունները, կարելի է եզրակացնել, որ Մարդպետությունը արքունի գործակալություն էր Մեծ Հայքի ամբողջ տարածքում, և Հայր Մարդպետների խնամքին էին հանձնված արքունապատկան կալվածները և բոլոր այն բերդերը, որտեղ պահվում էին արքունի զանձեր: Նույնիսկ Թագավորի սեփական տունը Ատրպատական աշխարհում, ինչպես և Անդեղտուն գավառը, որ արքունի ռաւաւն էր վաղ ժամանակից⁸⁷, դարձյալ մտնում էին Մարդպետի իշխանության կամ գործակալության մեջ: Ընդամենը, հորենացին Մարդպետական արքունապատկան տիրույթները մատնացուցց է անում միայն Մեծ Հայքի արևելյան սահմանամերձ շրջանի երկայնքով (հարավից հյուսիս), իսկ Փավստոսը՝ դրա հետ մեկտեղ նաև Մեծ Հայքի արևմտյան սահմանում՝ Եփրատ գետի ափին: Փավստոսի պատմածից հետևում է, որ մարդպետները միաժամանակ մի քանիսը կարող

չան տոհմից՝ «Իսկ ղՌշտունիս և զԳողթնեցիս գտի պատմեալ ի Սիսականէն արդարև հատուած» (եռր., Բ. ք, էջ 117): Ստ. Մալխասյանցը Թարգմանել է ոչ այնքան ճշգրիտ՝ «...թե նրանք անկասկած Սիսական (տան) հատվածն են կալմում»: Նշանակում է, թեև V դ. պատմվելիս է եղել, որ գողթնեցիները ծագում են Հայկազն Սիսակի ցեղից, բայց այդ ժամանակ Գողթն գավառն անշատ է եղել Սյունիքից: Դա հաստատվում է և Թովմա Արծրունու վկայությամբ (էջ 390), ըստ որի, Գողթն գավառը եղել է Վասպուրականի կազմում և միայն հայոց 186 (մ. թ. 737 թ.) Վահան Գողթնեցու նահատակության տարում, միացվել է Սյունիքին:

⁸² Աշխարհացույց, էջ 32: Ըստ Թովմա Արծրունու (Պատմութիւն տանն Արծրունեաց, էջ 390), Գողթն գավառը մինչև հայոց ՃՅԶ (մ. թ. 737) թվականը եղել է Վասպուրական նահանգի կազմում, որից հետո անցել է Սյունիքին:

⁸³ Փ ա լ ա տ ո ո ս, Դ. ժդ, էջ 178—180՝ «Արդ ելանէր սա շրջէր ընդ մարդպետութիւն իւր. ապա եկն էշ Հայր Մարդպետ ի գաւառն Տարօնոյ ընդ իւր գեւղսն տեսանել... Ապա դէպ եղև անցանել Հայր Մարդպետին առ տեղօքն, ցանկացաւ ելանել ի սուրբ տեղիսն Աշտիշատու կալ յաղօթած: Ե, գ, էջ 292՝ «Ապա մինչդեռ Մարդպետն Հայր ղիւրով իշխանութեամբ շրջէր շերկիւն Տարօնոյ, և Մուշեղ սպարապետն Հայոց էր ի նմին գաւառին իւրում բերդին՝ որում Ողական կոչւնէ»:

⁸⁴ Փ ա լ ա տ ո ո ս, Դ. ք, էջ 34:

⁸⁵ Փ ա լ ա տ ո ո ս, Ե. է, էջ 314, 316՝ «Յամս Տիրանայ Թագաւորին Հայոց և Արշակայ որդւոյ նորա Թագաւորին Հայոց լեւոյ էր իշխան տան գաւառին և հաւատարիմ զանձուց Անգեղ բերդին, և ամենայն բերդացն արքունի՝ որ ի կողմանս լայնս. սոյնպէս և յերկրին Մոփաց ի Բնաբեղ բերդին զանձն լեւոյ էին ընդ նովաւ և բարձ նորա ի վեր քան զամենայն նախարարացն»:

⁸⁶ Մոփաց կողմն, հետագայում՝ Չարհարդ Հայք—Մեծ Հայքի երկրորդ նահանգն ըստ «Աշխարհացույց»-ի, էջ 30:

⁸⁷ Փ ա լ ա տ ո ո ս, Ե. է, էջ 314, Ե. ժդ, էջ 324:

էին լինել և իրենց պաշտոնով հիշեցնում էին Իրանի օստանդարներին (օստանի պետ)³⁸, որոնք կառավարում էին արքունապատկան հողերն ու ունեցվածքը:

Անհնար է կարծել, թե Խորենացին տեղյակ չի եղել Հայաստանի արևմրտյան մասում գտնվող մարդպետական տիրույթներին: Խորենացին զանց է առնում Փավստոսի այս մի շարք վկայությունները Անգեղտան, Մոփաց աշխարհի, Տարոնի մարդպետական տիրույթների վերաբերյալ և հիշատակում է միմիայն Բզնունյաց ծովից արևելք ընկած Մարդպետի իշխանությունը «յԱտրպատական է մինչև ցճուաշ և ցնախճաւան», անկասկած, այն պատճառով, որ Մարդպետական իշխանությունը (թեև առանց Ատրպատականի) շարունակեց շոյատեւել նաև Արշակունյաց թագավորության անկումից հետո (428 թ.):

Նոր հայկազյան բառգիրքը մարդպետ ստուգաբանում է «պետ կնոջ մարդոյ» կամ «մարց պետ, մարդպետ» վարժապետ կանանց. այն է ներքինապետ, որ և հայր կոչի կանանց յարքունիս»³⁹:

Նորայր Բյուզանդացին մտադպեա մեկնում է ճերֆիճապետ, կանանց պետ՝ «մարդ=կին» արմատից և վկայություններ է մատնանշում Հին կտակարանից (Յուդիթ ԺԲ, 11, Նաթեր Բ, 21), որոնցում մարդ, մարդիկ գործածված են սոսկ կիճ, կաճայֆ նշանակությամբ, բայց նշված տեղիները չեն հիմնավորում նման ստուգաբանությունը⁴⁰: «Պահպանապետքն մարդկանն» արտահայտության դիմաց, որ հանդիպում ենք Նաթերի գրքի նշված տեղում, հունարեն «Յոթանասնից» բնագիրն ունի ἀρχιμακαχο το-ψυαχο, որ բառացի նշանակում է ավագ թիկնապահներ (σολαχο-φυλαξι — թիկնապահ): Այնպես որ հունարեն բնագրում կանանց մասին խոսք չկա⁴¹, իսկ եբրայեցիներն բնագրում երկու ներքինիները արքունիքի պահապաններն էին՝ «ի պահապանաց անտի դրանն»⁴²:

Եթե մտադպեա տերմինը V դարում հայերիս մեջ գիտակցվեր հոմանիշ և նույնիմաստ «ներքինի, ներքինապետ» բառերին, ապա Հին և Նոր կտակարաններում, որտեղ ավելի քան 50 անգամ խոսվում է ներքինիների, նրանց ավագների ու պետերի մասին, գոնե մեկ անգամ Աստվածաշնչի հայ թարգմանիչները համապատասխան տեղերում կգործածեին «մարդպետ», որն Աստվածաշնչում առհասարակ չի հանդիպում:

Գալով Հայր անվանը, ապա դա բնավ էլ չի նշանակում «հայր կոչի կանանց յարքունիս»⁴³: Ըստ Փավստոսի, Մարդպետը կոչվում էր հայր թագավորի, ոչ թե կանանց⁴⁴, ճիշտ այնպես, ինչպես Սերեոսի Պատմության մեջ Անանունը Բագարատ ասպետին անվանում է «իշխան և հրամանատար, ամենայն թագաւորութեանն հրամանաց գլուխ, և հայր աբֆայի, և եղբայր»⁴⁵:

Մարդպետ անվան հետ կապված մյուս լայնորեն տարածված տեսակետն այն է, թե իբր մարդպետները պատկանում էին մարդ (Μορδοι, mordi) իրանական ցեղին և ըստ այսմ էլ մարդպետ ստուգաբանում են «մարգերի» մարդ

³⁸ H. Hübbschmann, Armenische Grammatik, Leipzig, 1897 (New York, 1972) S. 215. Остандар նահանգի կառավարիչ. А. Периханян, Общество и право Ирана М., 1983, с. 11: «Остандары, возглавлявшие ведомства по управлению царскими землями и имуществом».

³⁹ Նոր բառգիրք հայկազեան լեզուի, Վենետիկ, 1857, էջ 224:

⁴⁰ Նորայր Բիւզանդացի, Կորին վարդապետ և թարգմանութիւնք նորին, Տփղիս, 1900, էջ 268:

⁴¹ Եւ տրամեցան երկու ներքինիք արքային՝ որ պահպանապետքն էին մարդկանն. վասն զի նախանձէին ընդ Մուրթէի՝ առաւել քան զնոսա պատուելոյ ի թագաւորէն, եւ կամէին սպանանել զԱրտաշէս արքայ (Նաթեր, Բ, 21):

* Նաթեր, Բ, 21, Աստվածաշունչ, Վենետիկ, 1895, էջ 542:

⁴² Նոր բառգիրք հայկազեան լեզուի, էջ 224:

⁴³ Փ ա լ ո ս տ ո ս, Ե. զ, էջ 310՝ «Մարդպետ, որ անուանեալ կոչէր ըստ գործոյն՝ հայր թագաւորին»:

⁴⁴ Պատմութիւն Ս եր ե ո ս ի, գլուխ Բ, էջ 54:

ցեղի պետ», կապելով նրանց Վասպուրականի Մարդաստան գավառի հետ, որն իբր ներքինի մարդպետների ժառանգական սեփականությունն էր: Այս տեսակետն առաջ է քաշել Ն. Ադոնցը, ըստ որի՝ «մարդպետ նախապես նշանակել է մարգերի պետ, այն ժողովրդի, որ բնակվում էր մարդաստան կոչված վայրում. հետագայում ինչպես ասպետ, մաղխազ և սպարապետ տիտղոսները, մարդպետը ևս դարձավ տոհմային տիտղոս»⁴⁵: Պաշտպանելով այս տեսակետը, Ն. Ադոնցը և հետագա հետազոտողներն անտեսում են առնվազն երկու կարևոր հանգամանք: Նախ, ինչպես ասվեց, մարդպետություն գոյություն ուներ նաև Մոփաց աշխարհում: Ներքինի Դրաստամատը՝ Անգեղ տան իշխանը, նույնպես Հայր Մարդպետ էր⁴⁶, որով ևս հերքվում է մարդպետների անպայման Վասպուրական նահանգի Մարդաստան գավառի և ուրեմն Մարդպետի ցեղի հետ կապելու գաղափարը:

Երկրորդ՝ հետազոտողները մարդպետներին իրանյան մարդ ցեղին դասելով, աչքաթող են արել խորենացու կարևոր տեղեկությունը, որ մարդպետները սերում էին մեր նախնի Հայկի ցեղից՝ հին թագավորական սերունդներից—Վաղարշակ թագավորը հրամայեց Հայր կոչված ներքինիներին խզել (կտրել, կրտել) այն նույն ազգից, որից կազմված էին արքունի դռան պահպան չորս ոստան գնդերը՝ ձի նոյն ի հին ի զարմից թագաւորացն՝ որք ի մերոյ նախնոյն ի Հայկայ»⁴⁷:

Մեր կարծիքով մարդպետ աղավաղված է մարդպետ բառից. ուղիղ ձևը վկայված է Նղիշեի մոտ. «Եւ հրամայեաց ևս Դենշապհոյ երկուս ևս ընկերակիցս օգնականս յաւագ գործակալացն. զՋնիկանն, որ էր մարդպետ արքունի, և զՄովան հանդերձապետ՝ ի ձեռանէ Մովպետան մովպետի»⁴⁸:

Ապար աշխարհում ս. Ղեոնդյանց հավատաքննությանը, որպես դատավոր Դենշապհոյի օգնականներ, մասնակցում էին երկու ավագ գործակալ—Ջնիկան մարդպետը⁴⁹, պարսից արքունիքի կողմից և Մովան (հ)անդերձապետը՝ Մովպետան Մովպետի:

Հետագա որոշ մատենագիրների երկերում ևս պահպանվել է գրության նախնական ճիշտ ձևը, այսպես օրինակ, Մեսրոպ Երեցի «Պատմություն արքունիքի Պարթևի Հայոց Հայրապետի» երկում՝ բերված հայոց նախարարների Գահնամակում յոթ գրչագիր ունեն Մարգպետունիք, փոխանակ՝ Մարգպետունիք⁵⁰: Մատթեոս Ուռհայեցու «Պատմության» գրչագրերը (այսինքն Ն) ունեն մարգպետական, մարգպետական, մարգպետական (գունդ) ընթերցվածները⁵¹: Ամիանոս Մարկելինոսի լատիներեն «Հռոմեական պատմության» մեջ ներքինի Կիլիկիայ (Cilices), որ Փալատոսից մեզ լավ հայտնի Գդակ Մարդպետն է, հանդես է գալիս gentis practectus (հայոց ազգի պրեթեկտ) պաշտոնով: Ակնհերև, այստեղ practectus թարգմանություն է մարդպետ կառավարիչ, այլ ոչ մարդպետ/ներքին պետ տիտղոսի⁵²:

⁴⁵ Н. Адо́нц, *նշվ. աշխ.*, էջ 319: Տե՛ս նույն միտքը և էջ 417, Ն. Ադոնց, *Հայաստանը Հռոմեականության դարաշրջանում*, Երևան, 1987, էջ 354 և 464. Տե՛ս նաև Հ. ր. Ահաբաբյան, *Հայերեն արմատական բառարան*, հ. 3, Երևան, 1977, էջ 280—281: Մովսես Խորենացի, *Հայոց պատմություն*, աշխարհաբար թարգմանություն Ստ. Մալխասյանցի, էջ 387, ծան. 85. ըստ Բ. Հարությունյանի, Մարգ և Մարգպետակա միևնույն ծագումն ունեն (Մեծ Հայքի Վասպուրական աշխարհը ըստ Անշարհացոյց-ի, Բաքեր Երևանի համալսարանի, 1983, № 3, էջ 179):

⁴⁶ Փ ա լ ս տ ո ս, Ե. է, էջ 314:

⁴⁷ Ն ո ռ., Բ. է, էջ 111:

⁴⁸ Ն զ ի շ է ի վասն Վարդանայ և հայոց պատերազմին, Երևան, 1957, էջ 160:

⁴⁹ Հայրիգ հիշատակության մեջ (Ն զ ի շ է, էջ 179)՝ Ջնիկան Մայպետ:

⁵⁰ Մոփեթ հայկական, հ. 2, Վենետիկ, 1853, էջ 127, ծան. 29:

⁵¹ Նոր լուսաբեր հազկազեան լեզուի, հ. 2, Վենետիկ, 1837, էջ 224:

⁵² А до́нц, *նշվ. աշխ.*, էջ 319: Ն. Ադոնց, *Հայաստանը Հռոմեականության դարաշրջանում*, Երևան, 1987, էջ 354 և 464. Տե՛ս նաև Հ. ր. Ահաբաբյան, *Հայերեն արմատական բառարան*, հ. 3, Երևան, 1977, էջ 280—281: Մովսես Խորենացի, *Հայոց պատմություն*, աշխարհաբար թարգմանություն Ստ. Մալխասյանցի, էջ 387, ծան. 85. ըստ Բ. Հարությունյանի, Մարգ և Մարգպետակա միևնույն ծագումն ունեն (Մեծ Հայքի Վասպուրական աշխարհը ըստ Անշարհացոյց-ի, Բաքեր Երևանի համալսարանի, 1983, № 3, էջ 179):

Մարզպետն արքունի տիրույթների կառավարիչ էր և արքունական զան-
ձերի վերակացու. այս իմաստով ճեբֆինի մարզպետ տիտղոսը նույնանում է
ճեբֆինի հազարապետ պաշտոնի հետ, որ հանդիպում է Հին կտակարանի
«Հսուդիթ» գրքում. «Եւ ասէ (Հողոփեռնէս) ցԲագու ցներքինին իւր, որ էր հա-
զարապետ հավատարիմ ի վերայ ամենայն ընչից նորա»⁵⁵. Հայ թարգմանիչը,
հավանորեն V դարի սկզբին, հազարապետ է թարգմանել հունարեն «Յոթա-
նասնից» բնագրի $\epsilon\pi\epsilon\sigma\tau\eta\chi\omega\nu$ (վերակացու, իշխանավոր) բառը⁵⁶:

IV դ. 40-ական թվերին, Հայոց Տիրան Բ թագավորի ժամանակ, Մարդ-
պետի իշխանության սահմանները Վանա ծովի արևելյան տարածքում ավելի
ևս ընդլայնվեցին ի հաշիվ նախարարներից հարքունիս գրավված գավառ-
ների, երբ Հայր Մարդպետը, ինչպես տեղեկացնում է Փավստոս Բուզանդը,
քսությամբ և շարպիսոսությամբ սրի քաշել տվեց շատ նախարարների և մա-
նավանդ Ռշտունյաց և Արծրունյաց երկու ավագ տոհմերը⁵⁷: Մասնավորապես
Ռշտունյաց տոհմը բնաջինջ անելու բուն պատճառի և այդ գործում Հայր
Մարդպետի մասնակցության մասին որոշակի մանրամասներ գտնում ենք
միայն Խորենացու Պատմության մեջ⁵⁸: Հիշյալ տոհմերի կալվածները ևս հար-
քունիս գրավվեցին և ենթարկվեցին Մարդպետի գործակալությանը:

Ահա թե ինչու, IX—X դդ. պատմիչ Թովմա Արծրունին վկայում է, որ Վաս-
պուրականի արևելյան և հյուսիս-արևմտյան գավառները ճին ժամանակ պատ-
կանում էին Հայր մարդպետին, որոնց թվում հիշատակում է Ճվաշ գավառը,
Թոռնավանը, Արտազը, Մարդաստանը, Գառնին, Առքերանին, Աղանդոտը,
Բառլուվիտը, Պալունիքը, Մեծնունիքը, Տոսպոշտունիքը, Բոգունիքը, Գուգան
գավառը և Արտաշեսյանը.— «Այսոքիկ գաւառք անուանիք, զոր յառաջին ժա-
մանակս իւրոյ իշխանութեանն սեփեալաւս իւր արարեալ ունէր հայրն նեն-
գութեան մարդպետն կոչեցեալ»⁵⁹:

Ն. Աղոնցը հակված է այս պայքարը դիտելու որպես փոխադարձ տոհմա-
յին թշնամանք միմյանց հարևան Մարդաստան գավառի Մարդպետ իշխանի
և Արծրունիների միջև⁶⁰: Բայց զա իրականում պայքար էր թագավորական
կենտրոնաձիգ իշխանության և կենտրոնախույս ազդեցիկ նախարարական

⁵⁵ Յուդիթ, ԺԲ, 10. Գիրք Աստուածաշունչը Հին և Նոր կտակարանաց, Վենետիկ, 1860, էջ 478:

⁵⁶ Septuaginta, vol. I, Stuttgart, 1935 p. 94:

⁵⁷ Փավստոս, Գ. Ժը, էջ 174, Գ. Ժդ, էջ 178: Արծրունյաց տոհմից փրկված մի մա-
նուկ՝ Եավասպ Արծրունին, շափահաս դառնալով, վրեժխնդիր եղավ իր ազգատոհմի ընա-
շնջման համար և անտառում որսի պատրվակով սպանեց շարանեզ Մարդպետին (Գ. Ժդ,
էջ 182):

⁵⁸ Խորենացի, Գ. ԺԵ, էջ 274: Ռշտունյաց Զորա նահապետը, որ Հայոց հարավային
դնդի զորապետն էր Մանաճիհրի փոխարեն և Տիրանի հրամանով իր զորքով մասնակցում էր
Հուլիանոս Ուրացողի պարսկական արշավանքին, լսելով Տիրանի ձեռքով Հուսիկ քահանայա-
պետի սպանվելու լուրը, իր զորքն առնելով ետ է դառնում և ամրանում Տմորիքում: Տիրանը,
Հուլիանոսի սպանալիքից զարհուրած, Հայր կոչված Մարդպետին ուղարկում է Զորայի մոտ,
երդմով նրան իր մոտ է կանչում, գրավում է Ռշտունյաց Աղթամար ամուր բերդը և ամբողջ
տոհմը կոտորելով սպառում է: Միայն Զորայի Մեհենդակ եղբոր մանկահասակ որդուն դալակ-
ները փախցնելով փրկում են: Իսկ թագավորը նրա տեղ հարավային գնդի զորապետ է նշանա-
կում Անծիտի (Հանձիթի) տեղ Սաղամոթին:

⁵⁹ Պատմիչը նշում է, որ 505 թ. Գադիկ և Գուրգեն Արծրունի եղբայրներն իրար մեջ
բաժանեցին Վասպուրականի թագավորությունը: Գադիկ իշխանին բաժին ընկավ արևելյան
կողմը և հյուսիս-արևմտյան մասը վերոհիշյալ գավառներով, որոնք մի ժամանակ պատկա-
նում էին Հայր Մարդպետին, իսկ Գուրգեն մարզպանին՝ հարավ-արևելյան կողմի գավառները՝
Արճիշակովիտ, Առնո ուն, Մեծ և Փոքր Աղթակներ, Ակե, Տամբեր, Տաքրյան, Ըռնա և Զարե-
հալան (Թովմա Արծրունի, Պատմություն տան Արծրունաց, էջ 388, 390):

⁶⁰ Н. А. ДОНЦ, «Армянская история», т. 2, 319—320:

տներին միջև, որին ի պաշտոնի պետք է անմիջական մասնակցություն բերեր թագավորահայր Մարգարեի, որպես արքունի կալվածների կապալարիչ։ Միայն սրանով պետք է բացատրել, թե ինչու Տիրան թագավորի և նրա որդի Արշակ Բ-ի ժամանակ Մարգարեները գործունե դեր էին խաղում Արծրունյաց տոհմի, Ռշտունյաց Զորա նահապետի և շատ այլ նախարարների դեմ մղած պայքարում և նրանց տոհմային կալվածները հարգունիս գրավելու գործում։

Թովմա Արծրունու այն պնդումը, թե նենգությունը Հայր Մարգարեի սեփականել էր Վասպուրականի գավառների մի մասը, տեղիք է տվել թյուրմարուման և կարիք ունի պարզաբանման, քանի որ մերօրյա հետազոտողները ևս հաճախ խոսում են Մարգարեի և Մարգարեի իշխանական տան և նրանց ժառանգական սեփականության մասին⁵⁹, Պետք է ընդգծել սակայն, որ Մարգարեները տոհմ, սերունդ չէին կարող ունենալ և մարգարեությունն էլ ժառանգական նախարարություն չէր կարող լինել այն պարզ պատճառով, որ այդ պաշտոնում նշանակվում էին միայն ներքինիները, և այն էլ ոչ թե թագավորի կանանցը հսկելու, ինչպես ընդունված է կարծել, այլ այն եպատակով, որպեսզի արքունի տիրույթների և գանձերի նկատմամբ ներքինի կառավարիչները ժառանգական հավակնություն չունենային, Ուստի իրավացի չեն այն հետազոտողները, որոնք Մարգարեի իշխանության տակ եղած տիրույթները նրա սեփականությունն են համարում։

Որևէ հակասություն չկա Մարգարեի իշխանության սահմանների վերաբերյալ խորհնացու և Թովմա Արծրունու բերած տվյալների միջև, խորհնացու մոտ Մարգարեի իշխանության ընդգրկած տարածքը վերաբերում է Վաղարշակ թագավորի ժամանակին՝ մ. թ. ա. II դարին, իսկ Թովմա Արծրունու մոտ այն արտացոլում է մ. թ. IV դ. կեսերի իրավիճակը⁶⁰։

Ըստ այսմ, IV դարում Մարգարեի իշխանության մեջ մտնում էր 18 գավառ՝ ներառյալ նախնականը և Գողթնը՝ հյուսիս-արևելքում, իսկ Ատրպատականը՝ հարավ-արևելքում. այսինքն՝ Մարգարեական ընդգրկում էր ապագա (Աշխարհացույցի) Վասպուրական աշխարհի 35—37 գավառների ընդամենը կեսը։ Ն. Աղոնցը մանրամասն քննությամբ եկավ այն ուշադրով հետևություն, որ Մարգարեների տոհմի վերջնական կործանումից հետո՝ նրանց հաղթող Արծրունիները Մարգարեական տիրույթների հետ միասին ժառանգեցին և Մարգարե տիրողները⁶¹։ Ղազար Փարպեցու վկայությամբ, Ավարայրի ճակատամարտում միջին գնդի հրամանատարն էր Արծրունյաց տեր և Մարգարե Միհրջապունը՝ «(Վարդան Մամիկոնեան) միջոցի գնդին կարգեր գլխատր զտէրն Արծրունեաց և զՄարգարետն Միհրջապունն»⁶²։ Ն. Աղոնցը սրամիտ կերպով ցույց է տվել, որ Աղվանքին օգնության հասած Վարդան Մամիկոնյանի զորքի թվում էին Մարգարեական ալրուծի գնդերը (զունդք ի զորացն Մարգարեական ալրուծի)⁶³, իսկ Նղիշի մոտ համապատասխան տեղում հանդես է գալիս ներշնչություն (Ռմբոսյան) իշխանը, այսինքն՝ այն նույն Միհրջապունը Արծրունիները⁶⁴, որն, ակներև, գլխավորում էր Մարգարեական հեծելազորը⁶⁵։ Սրանից երևում է, թե խոսքը միևնույն Արծրունի Մարգարեի մասին է։

⁵⁹ Նույն տեղում, էջ 320, 417։

⁶⁰ Հայր Մարգարեի իշխանության մասին տե՛ս Н. А. ДОНЦ, նշվ. աշխ., էջ 319—321. Բ. Հարությունյան, նշվ. աշխ., էջ 118—120. Է. Դանիելյան, Արևելյան Հայաստանի վարչա-տարածքային բաժանումը (591—629) (ՀՄՄՀ ԳԱ Լրաբեր հասարակական գիտությունների, 1986, № 3, էջ 65—66)։

⁶¹ Н. А. ДОНЦ, նշվ. աշխ., էջ 320։

⁶² Ղազարայ Փարպեցու Պատմութիւն հայոց եւ թուրք առ Վահան Մամիկոնեան, Տիգրիս, 1904, դրուագ Ա, գլ. I, էջ 71։

⁶³ Նույն տեղում, գլ. I, էջ 64։

⁶⁴ Նույն տեղում, էջ 74։

⁶⁵ Н. А. ДОНЦ, նշվ. աշխ., էջ 320։

Փարպեցու այս վկայություններից կարելի է եզրակացնել, որ 428 թվին Հայաստանում Արշակունյաց թագավորության անկումից հետո Մարդպետ տիտղոսի հետ միասին Արծրունյաց տոհմի մի ճյուղին անցավ Վանա ծովի արևելյան տարածքի արքունական տիրույթների կառավարչի պաշտոնը։ Այդ է պատճառը, որ նշված Ավարայրում զոհված հայ զորականների թվի մասին խոսելիս, Արծրունյաց տունը հիշում է արքունի տան հետ միասին՝ «Եւ յարքունի տանէն և ի տանէն Արծրունեաց և յիւրաքանչիւր յայլոց նախարարաց տանէն»⁶⁶։

Այսպիսով, Մարդպետի իշխանությունն առանձին վարչական շրջան էր Վանա ծովի արևելյան տարածքում՝ հետագա Վասպուրական նահանգի հյուսիսային մասը, որը 480-ական թվերին՝ Վահան Մամիկոնյանի ապստամբության ժամանակ, երբ դեռ Մովսես Խորենացին կենդանի էր, վերջում էր Մարդպետական գոնդ։ Այս անվանումը, որ անտարակույս, հայտնի էր նաև Խորենացուն, գտնում ենք Ղազար Փարպեցու Պատմության մեջ՝ «Առաքեաց և Մամիկոնեան Վահան ընդ պատգամաւորսն Նիխորոյ [...] զԱռաւան Աղբերկացի և զՊաճոկ ի Մարդպետական գնդէն»⁶⁷։ Այստեղ Մարդպետական գոնդը զորք չէ, այլ նահանգ՝ զինվորական գավառ⁶⁸, որ հեռու չէր Նիխորական մարզից⁶⁹։

554/55թ. Դվնո եկեղեցական ժողովի վավերագրերից երևում է, որ VI դ. երկրորդ կեսին ևս Վանա ծովի արևելյան տարածքը բաժանված է եղել երկու վարչական շրջանի կամ թեմի՝ Արծրունյաց տոհմի երկու ճյուղերի գերիշխանության ներքո։ Ուշադրություն է գրավում այն փաստը, որ հիշյալ ժողովի անունից Ներսես Բ կաթողիկոսը հատուկ թղթով հանձնարարում է Մարդպետական Գրիգոր եպիսկոպոսին՝ և Արծրունյաց Գրիգոր եպիսկոպոսին՝ մոտիկ ու հեռու վայրերից հալածել անիծյալ նեստորական աղանդը և ուղիղ հավատի բերել ժողովրդին. «Դուք, տեաք վանից երիցանց և քահանայից և համալրեն ժողովրդականաց՝ ճշմարիտ հաւատացելոց ի Քրիստոս. որք մերձաւորք և որք հեռադոյնք են ի ձէնք, երաւման ամբ և պառաւելք աբաբէք, զի ամենեկին մի՛ հաղորդեսցին ընդ նոսա, այլ հեռասցին ի նոցանէ ամենայն կարգաւք, որպէս ի վերոյդ դրեալ է»⁷⁰։

Թե որոնք էին Մարդպետական և Արծրունյաց եպիսկոպոսների գերիշխանության տակ եղած այն գավառները, որ վարակված էին նեստորական աղանդով, տեղեկանում ենք նույն Ներսես Բ կաթողիկոսի Մեղադրության թղթից. այստեղ նեստորականության և քաղկեդոնական մոլորության տարածման համար մեղադրանք է ուղղված 9 գավառների եպիսկոպոսների, որոնք հրաժարվել էին ներկայանալ վերահիշյալ եկեղեցական ժողովին։ Թվարկված գավառները, գրեթե բոլորն էլ (բացի Մոկքից և Զարեհավանից) հետագա Վասպուրական նահանգից են՝ Ռշտունեաց, Մոկաց, Անձեացեաց, Ակիոյ, Պա-

66 Եւ ի շէ, էջ 120։ Թովմա Արծրունու այն հաղորդումը, թե հայ նախարարները որոշել էին Հայաստանի թագավոր կարգել Վահան Արծրունուն (որը հետո Վարդանի հետ հերոսաբար նահատակվեց Ավարայրի ճակատամարտում) — (Թովմա Արծրունի, էջ 126, 128), ըստ երևույթին, պատմական հիմք ունի։ Մի այլ տեղ էլ Թովման հայտարարում է, թե, իրոք, հայ նախարարներն այս Վահանին թագավոր կարգեցին՝ «Այս Վահանս զոր յիշեցաք՝ այն Վահան է, որ թագաւորեցոցին նախարարք Հայոց յաւուրս ցորոյն Վարդանայ» (Թովմա Արծրունի, էջ 74)։

67 Ղազար Փարպեցի, դրուագ՝ Գ., գլ. 2, էջ 163։

68 Գոնդ—զինվորական գավառ (տե՛ս 2 ր. Աճառյա՜ն, Հայերեն արմատական բառաբան, հ. 1, Երևան, 1971, էջ 595)։

69 Նիհորական գավառը Ս. Երեմյանը տեղադրում է Կոհ-ի-Նիհորական լեռների արևմուտյան փեշերին՝ Կորճայրից հարավ և Մահկերտ-սոունից հյուսիս (Հայաստանը ըստ Վաղարշապատի, Երևան, 1963, էջ 72)։

70 Գրեթե թղթոց, Թիֆլիս, 1901, էջ 72։

լուսնեաց, Զարեհաւանից, Բժնուսնեաց (Բուծուսնեաց), Մեհնուսնեաց⁷¹, որոնցից շորսը՝ Ռշտունիք, Անձեւացիք, Պալունիք և Մեհնունիք մտնում էին Մարդպետական գնդի մեջ:

Ներսես Բ կաթողիկոսի հիշյալ երկու վավերագրերից ակնհայտ է դառնում, որ Մարդպետական և Արծրունյաց եպիսկոպոսները, անշուշտ, նաև իշխանները, VI դ. կեսերին հոգևոր և աշխարհիկ իշխանություն ունեին Վանա ծովի արևելյան գավառների վրա, որոնք այդպիսով բաժանված էին երկու առանձին վարչական շրջանի. դրանցից մեկը, ինչպես Փարպեցու մոտ, կոչվում էր Մարդպետական կամ Սեպհական գունդ⁷², որի եպիսկոպոսական աթոռանիստը նախճավան ոստանն էր⁷³, 591 թ. իրանա-բյուզանդական դաշնագրից հետո Սեպհական գունդ անվանումը և նրա Վասպուրական գունդ հոմանիշը տարածվեց Վանա ծովի արևելյան տարածքի հայկական բոլոր 35—37 գավառների վրա, և այդ միացյալ ամբողջ նահանգը Վասպուրական աշխարհ անունով մոտավեց VII դ. Աշխարհացույցի մեջ:

X դ. սկզբում, սակայն, Վասպուրականում վերականգնվեց այն վարչական բաժանումը, որ գոյություն ուներ 591 թ. իրանա-բյուզանդական դաշնագրից առաջ: 905 թ., Աշոտ Վսեմապետ իշխանի վախճանվելուց հետո, նրա երկու եղբայրները՝ Գագիկ և Գուրգեն Արծրունիները Վասպուրականի տերությունը բաժանեցին առաջվա նման երկու մասի—Գագիկին բաժին ընկավ Մարդպետական գունդը, Վասպուրականի հյուսիսակողմի արևելյան և արևմտյան գավառները, իսկ Գուրգեն Մարզպանին՝ դեպի հարավ ձգվող արևելելյան գավառները⁷⁴:

Ամփոփենք. Մովսես Խորենացուն, ինչպես և V դ. մյուս հեղինակներին ծանոթ չէ Աշխարհացույցի միացյալ Վասպուրական աշխարհը, որը 591 թ. հաջորդած ժամանակաշրջանի աշխարհագրական իրողություն է: Պատմահորը, հավասարապես և Փարպեցուն, հայտնի է միայն Վասպուրական աշխարհի վերջ կազմող Մարդպետական գունդը: Այսու ևս հաստատվում է, որ Մարդպետի իշխանության մասին խոսելիս, Խորենացին աչքի առաջ ունի իր իսկ ժամանակ գոյություն ունեցած Մարդպետական գունդը և փորձում է ուրիշ նախարարական տների նման րացահայտել այդ Մարդպետականի ծագումը՝ վերագրելով այն Հայոց Վաղարշակ Թագավորի ժամանակին:

Ուրեմն, Խորենացու Պատմության մեջ հիշատակված Վասպուրականը Մեծ Հայքի 8-րդ աշխարհը չէ, առավել ևս չէր կարող ունենալ այն ծավալն ու տարածքը, ինչ ներկայացված է VII դ. հայոց Աշխարհացույցում, ինչպես պնդում են Հ. Հյուբշմանը, Կ. Թումանյանը, Ռ. Թումսոնը և այլք: Ուստի մնում է կարծել, որ Խորենացու Վասպուրական տերմինը աղերսված է նույն Բ. կրգլիի սկզբում շարադրված հետևյալ ավանդության հետ, որտեղ և պետք է փնտրել հարցի լուծման բանալին: Ինչպես գրում է Պատմահայրը, Հայոց Տիրան Թագավորի մոտ են գալիս Հաշտյանքի կողմերում ապրող Արշակունյաց տոհմի իր վաղեմի ազգականները և խնդրում են ընդարձակել իրենց ժառանգությունը, քանի որ շատ բազմաճյուղ ապստամբող Հաշտյանքն արդեն նեղ է իրենց համար⁷⁵: Թե ի՞նչ Արշակունիներ էին դրանք, այդ մասին Պատմա-

⁷¹ Նույն տեղում, էջ 70:

⁷² Նույն տեղում, էջ 70, 73, 76: Մանրամասն տե՛ս Н. Адонц, նշվ. աշխ., էջ 319, 331:

⁷³ Տե՛ս Թ ո վ մ ա Ա ր ծ ր ու ն ի, էջ 390:

⁷⁴ Տե՛ս ծան.՝ 57:

⁷⁵ Խորենացի, Բ. կր, էջ 193՝ «Ընդարձակեա մեզ գծառանգութիւնս, զի նեղ է. քանզի բազմացաք յուժն, Գր. Խալատչյանցը (Гр. Халатчянц, Армянские Армагиды, ч. I, М., 1903, с. 106) կարծում է, թե Խորենացու այս խոսքը պարզապես քաղված է Ծալի Մարգարիի գրքից (ԽՔ. 20). «Ջի ասասցեն յականջս քո որդիքն քո զորս կորուսեր. նեղ է մեզ տեղիս, ընդարձակեա մեզ դի ընականցութեա: Բայց այս զուգորդումը ոճական ընդհանրությունից զատ ոչ մի այլ բան չի կարող վկայել, և հիմք չկա Խորենացու հաղորդած պատմական ավանդությունն աստվածաշնչյան ծագման երևույթ տալու:

հայրը հաղորդել է ավելի վաղ՝ Հայոց առաջին Արշակունի թագավորին՝ Վաղարշակ Պարթևին (մ. թ. ա. II դարի վերջին) վերագրված հետևյալ պատմական ավանդության մեջ. «Եվ որովհետև (Վաղարշակը) շատ որդիներ ուներ. հարմար գտավ, որ բոլորն էլ միասին իր մոտ շման Մծբինում, այլ նրանց ուղարկում է Հաշտենից գավառը և նրան սահմանակից ձորը, որ Տարոնից դուրս է գտնվում, նրանց թողնելով բոլոր գյուղերը, ավելացնելով նաև առանձին եկամուտներ և ուտեստ արքունի (գանձարանից)։ Միայն իր առաջին որդուն, որ կոչվում էր Արշակ, պահում է իր մոտ, իբրև թագավորության հաջորդ [...] եւ այս բանն անուհետև մինչև վերջը օրենք դարձավ Արշակունի թագավորների համար, որ մի որդին ապրի թագավորի հետ՝ թագավորության փոխանորդ լինելու համար, իսկ մյուս որդիներն ու դուստրերը գնան Հաշտենից կողմերը՝ իբրև ցեղի ժառանգներ»⁷⁶։

Ժամանակի ընթացքում, Հաշտյանքի կողմերում Արշակունյաց տոհմի պայազատներն այնքան բազմացան, որ Տիգրան Մեծի (հորենացու մոտ Տիգրան Միջինի) որդի Արտավազդ թագավորը (մ. թ. ա. 55—34) ստիպված եղավ Արշակունյաց լթագադրված ժառանգներին բնակության համար նոր տարածքներ հատկացնել Աղիովիտ և Առքերանի գավառներում Բզնունյաց (Վանա) ծովի հյուսիսում և արևելքում. «Սա իր եղբայրներին և քույրերին բնակեցնում է Աղիովիտ և Առքերանի գավառներում, նրանց ժառանգություն թողնելով այդ գավառներում գտնված արքունական գյուղերը, առանձին եկամուտով և ուտեստով, նման նրանց այն ազգականներին, որ գտնվում էին Հաշտյանքի կողմերում [...] միայն սահմանում է, որ նրանք չապրեն Այրարատում, թագավորի բնակության տեղում»⁷⁷—«Սա ժառանգեցուցան է զեղբարս իւր և զքորս ի գաւառս Աղւոյ ովտի և Առքերանոյ, թողլով ի նոսա ղմասն արքունի որ ի շէնսն այնց գաւառաց, հանդերձ առանձինն մօտից և ոռճկաց, ըստ օրինակի ազգականացն որ ի կողմանս Հաշտենից. [...] միայն օրինադրէ ոչ կեալ յԱյրարատ ի բնակութիւնս արքայի»⁷⁸։

Այս ավանդույթը մի անգամ ևս հորենացին հար և նման ներկայացնում է Արտաշես Բ-ի որդի Արտավազդի թագավորելու առիթով (մ. թ. 111—113). «Արտաշեսից հետո թագավորում է նրա Արտավազդ որդին և Այրարատից

76 Մ ո վ ս ե ս հ ո ռ ե ն ա ջ ի, Հայոց պատմություն, Բ. ը, էջ 159, 160: «Եւ քանզի (Վաղարշակ) բազում ունէր ուտեստ՝ պատշաճ վարկաւ ոչ ամենեցուն առ իւր կալ ի Մծբին. վասնորոյ առաքէ զնոսա բնակել ի գաւառն Հաշտենից, և ի ձորն նորին սահմանակալ, որ է արտաքոյ Տարոնոյ. ի նոսա թողլով զշէնս ամենայն, հանդերձ յաւելուածով մօտից առանձինն ե ոռճկաց կարգելոց յարքունուտու: Եւ միայն զառաջին որդին իւր, որ կոչէր Արշակ, պահէ առ իւր ի համար թագաւորութեան [...] Եւ եղև այս յայնմ հետէ և առ յապայ օրէնք ի մէջ Արշակունեաց—միոյ որդւոյ բնակել ընդ արքայի՝ փոխանորդ լինել թագավորութեանն, և այլոց ուտեստաց և դստերաց զնալ ի կողմանս Հաշտենից՝ յազգին ժառանգութիւն (Խ ո ռ., Բ. ը, էջ 118): Խորենացու այն խոսքը, թե եւ եղև առ յայնմ նետէ և առ յապայ օրէնք ի մէջ Արշակունեաց, պատահական չի ասված. Պատմության հետագա շարադրանքում Խորենացին ցույց է տալիս, որ Արշակունյաց թագավորների որդիներին և դուստրերին Հաշտյանքի կողմերն ուղարկելու օրենքը իսկապես գործում էր Հայաստանում մինչև Արշակունյաց թագավորության անկումը՝ 428 թ.: Ահավասիկ երկու վկայություն՝ մ. թ. I դարում Սանատրուկ հայոց թագավորը զրավելով Եգիպտոս, Արգարի բոլոր որդիներին սրով կոտորեց, իսկ աղջիկներին քաղաքից հեռացրեց, որ գնան բնակվեն Հաշտյանքի կողմերում (Լ ո ռ., Բ. լմ, էջ 159): Իսկ 350-ական թվերին, երբ Արշակ թագավորը կոտորեց Վամսարականների տոհմը, միայն Արշավիրի որդի Սպանդարատը փրկվեց, որովհետև կոտորածի տեղում (Արշարունիքում) չէր գտնվում, քանի որ, ներսեհ հորեղբոր հետ գտնված լինելով, բնակվում էր Տարոնի և Հաշտյանքի կողմերում՝ իր երկրորդ կնոջ՝ Արշանույշ Արշակունու ժառանգությունում (Խ ո ռ., Գ. լա, էջ 295. Արշանույշ Արշակունու մասին տե՛ս Գ. խր, էջ 319):

77 Խ ո ռ ե ն ա ջ ի, Բ. իր, Թարգմ.՝ Ստ. Մալխասյանցի, էջ 154:

78 Խ ո ռ., Բ. լմ, էջ 137:

բոլոր եղբայրներին հալածում է Աղիովիտ և Առքերանի գավառները, որպեսզի Այրարատում՝ թագավորի կալվածքում չապրեն. միայն Տիրանին պահում է իրեն փոխանորդ, որովհետև ինքը որդի չունի»⁷⁹—«Յետ Արտաշեսի թագավորի Արտավազդ որդի նորա, և հալած է յԱյրարատոյ զամենայն եղբարս իւր ի գաւառս Աղիովիտայ և Առքերանոյ, զի մի՛ բնակեացեն յԱյրարատ ի կալուածս արքայի. բայց միայն Տիրան պահ է փոխանորդ իւր, զի որդի ոչ գոյր նորա»⁸⁰.

Սա էլ հենց այն Տիրանն է, որ հաջորդեց իր եղբայր Արտավազդին և որի մոտ իրենց ժառանգության նեղվածքի մասին բողոքելու էին եկել Հաշտյանքի կողմերում ապրող նրա Արշակունի ազգականները: Իրենց հերթին, Աղիովիտում և Առքերան(ի)ում բնակվող Արշակունի պայազատներն իմանալով, որ Տիրանն ուզում է Հաշտյանքի Արշակունի ազգականների մի մասին փոխադրել իրենց գավառները՝ «Ավելի սաստիկ բողոք բարձրացրին թագավորի առջև»⁸¹, թե մեր տեղն ավելի⁸² նեղ է, բայց Տիրանը ուշադրություն չդարձրեց, այլ հաստատապես վճռեց ոչ մի նոր (հող) չտալ նրանց ժառանգություն, այլ որ նրանք ինչ որ ունեն, հավասար իրենց մեջ բաժանեն: Հողը մարդավով բաժանելիս դուրս եկավ, որ Հաշտյանքում բնակվողների ժառանգությունը պակաս է, ուստի նրանցից շատերն եկան Աղիովիտ և Առքերանի գավառը»⁸³.

«Աշխարհացոյցի» VII գ. ընդարձակ խմբագրության մեջ Արշակունի ժառանգների վերջ նշված երեք գավառները տեղադրված են երեք տարբեր հանգնեցումներով—Հաշտյանքը՝ Չորրորդ Հայքում, Աղիովիտը՝ Տարուբերանում (Տարուն) և միայն Առքերանի գավառը՝ Վասպուրականում⁸⁴.

Բայց թույլ մա Արծրունու գավառացանկից տեսանք, որ նորենացուն նախորդած ժամանակաշրջանում Առքերանի գավառը մտնում էր Հայր Մարդպետի իշխանության մեջ:

Պատմաբանների մեջ վեճի առարկա է Աղիովիտի հարցը: Չնայած որ Աշխարհացոյցի ընդարձակ խմբագրությունը գիտե միայն մի Աղիովիտ Տարուբերան աշխարհում⁸⁵, բայց համառոտ խմբագրության որոշ ձեռագրեր Աղիովիտ գավառ հիշատակում են թե՛ Տարուբերան և թե՛ Վասպուրական աշխարհներում⁸⁶: Այս հիման վրա էլ տևադ. Ս. Երեմյանն ընդունում է երկու Աղիովիտ գավառների գոյությունը⁸⁷՝ Վանա լճի հյուսիսային ափին: Դրան-

79 Խորենացի, Բ. կա, Թարգմ.՝ Ստ. Մախառանցի, էջ 194:

80 Խորենացի, Բ. կա, էջ 191:

81 Բնագրում՝ առ արքայի. Սա. Մախառանցը բաց է թողել:

82 Բնագրում՝ առաւելագոյն:

83 Մովսես Խորենացի, Հայոց պատմություն, Թարգմ. Ստ. Մախառանցի, Երևան, 1968, Բ. կր, էջ 196: Պետք է միայն ափսոսալ, որ Ն. Ադոնցը Խորենացուն VII դարի հեղինակ համարելով, եզրակացնում է. «Այս երևույթը սակայն, չի վերաբերում Արշակունյաց շրջանին, ինչպես ներկայացնում է պատմիչը: Այստեղ գործ ունենք պատմագրին ժամանակակից կարգի արտացոլման հետ, որ նա վերագրում է վաղ ժամանակին: Ժառանգական դոմենի բաժանումը ընտանիքի անդամների միջև սեպուհական իրավունքի արտահայտություն է: Այն զարգացել է, ըստ երևույթին, VI դարում. արդեն 641 թ. Դվնո ժողովի ժամանակ այն ձևավորված էր բավական հստակ» (Н. А. Адо́нц, նշվ. աշխ., էջ 474—475):

84 Աշխարհացոյց Մովսէսի Խորենացու, էջ 50, 31, 32.

85 Նույն տեղում, էջ 31:

86 Մովսէսի «Խորենացու» Մատենագրությունը, Վենետիկ, 1865, էջ 607՝ Աղիովիտ, էջ 608՝ Աղովիտ:

87 Ս. Տ. Երեմյան, Հայաստանը ըստ «Աշխարհացոյց»-ի, Երևան, 1963, էջ 35: Ս. Երեմյանը ենթադրում է, որ մկզբում գոյություն ունեւ մեկ Աղիովիտ գավառ, սակայն հետագայում, երբ բարձրանում է վաճառաւոր Զարիշատ քաղաքը (որ այդպէս էր կոչւում Արտաշես Ա-ի հոր՝ Զարեհի անունով)՝ նա, խրախուսելով քաղաքը, Աղիովիտ գավառի արևմտյան մասի հետ անջատում է աբխազներին:

ցից մեկը Տարուբերան (Տարուբերան) նահանգում՝ Զարիշատ վաճառաշահ քաղաքով, իսկ մյուսը՝ Վասպուրական նահանգում։ Այս կարծիքի դեմ առարկում է Բ. Հարությունյանը, գտնելով, որ Աշխարհացույցում Վասպուրական աշխարհում Ադիոմիտ գավառ գոյություն չի ունեցել իսկ Ադիոմիտ, Ադաիս ընթերցվածները համարում է արտագրող գրիչների կողմից սկզբնական Բա-
նիդոմիտ ճիշտ անվան թյուրընկալման և աղավաղման արդյունք⁸⁸։

Սակայն փաստերը մեզ բերում են այն համոզման, որ թե՛ ընդարձակ և թե՛ համառոտ Աշխարհացույցի Տարուբերանի և Վասպուրականի գավառա-
դանկերում հիշատակված է նույն Ադիոմիտ գավառը։

Սևբոսը նկարագրելով արաբների առաջին արշավանքը Հայաստան (640/41), տալիս է նրանց ընթացուղին՝ Վանա ծովի հարավ-արևմուտքից, ծովափի երկայնքով մինչև հյուսիս-արևելք՝ «Եւ ել զարւ ապականիչ յԱսո-
րնստան կողմանէ ընդ ճանապարհս Ձորոյ յաշխարհն Տարանոյ»։ առին զնա
ղՐղնունիս և զԱդիոմիտ։ Եւ ճանապարհ կալեալ ի Բերկրոյ ձորն ընդ Որդ-
սպոյ և ընդ Գոգովիտ՝ թափեցան յԱյրարատ»⁸⁹։

Ինչպես տեսնում ենք, թվարկված գավառների մեջ չկա մի երկրորդ
Ադիոմիտ։ Սևբոսի մոտ գավառների տեղադրումը լիովին համընկնում է Աշ-
խարհացույցի ընդարձակ խմբագրության տվյալներին—այդ միակ Ադիոմիտ
գավառը գտնվում էր Տարուբերան կամ Տարոն աշխարհում՝ Բզնունյաց ծո-
վի հյուսիսում⁹⁰, որին սահմանակից է Առբերանի գավառը (Բզնունյաց ծովից
արևելք)⁹¹։ Վերջինս Բերկրո ձոր էր՝ կոչվում գավառի գլխավոր քաղաք
Բերկրիի անունով։ Այլ կերպ ասած, Սևբոսը որպես ժամանակակից հեղի-
նակ, անուղղակի հաստատում է, որ VII դ. Աշխարհացույցի ընդարձակ խմ-
բագրությունը Վասպուրականի գավառացանկում իրոք Ադիոմիտ գավառ չի
ունեցել և գրիչների մեղքով չէ, որ այն բաց է թողնված, ինչպես կարծում
են ոմանք։ Թուվմայի Պատմության մեջ մեկ անգամ հիշատակված է Հաղա-
ցավիտ կամ Աղացավիտ գավառը Երիկավ բերդով՝ Բերկրիի (Առբերանի) հա-
րևանությունից, որ միանգամայն նույնանում է Ադիոմիտ գավառի հետ⁹² թե՛
անվան ձևով և թե՛ տեղադրությամբ։

Երկու Ադիոմիտ գավառների շփոթը մեր կարծիքով կապված է հետևյալ
պատմական իրադարձության հետ։ Ըստ Սևբոսի, պարսից արքա Խոսրով
II-ը հունաց զորքի օգնությամբ Տիգրանում գահ բարձրանալու համար իբրև
հատուցում Մորիկ կայսերը խոստացավ տալ և իրոք էլ զիջեց Արվաստանի և
Մծբնիի հետ նաև Հայոց երկրի Տանուտերական տունը՝ «մինչև ցԱյրարատ և
ցԴուին քաղաք, և մինչև ցեզր ծովուն Բզնունեաց և ցԱռեստաւան»⁹³, որից
հետո պարսից հպատակության տակ մնաց Հայոց երկրի Վասպուրական
գոյնը։

⁸⁸ Բ. Հարությունյան, Մեծ Հայքի Վասպուրական աշխարհը ըստ «Աշխարհացույց»-ի
(Բանբեր Երևանի համալսարանի, 1983, № 3, էջ 113)։ Բ. Հարությունյանի այն ենթադրությունը,
թե Բառնիդոմիտ գավառանունը հավանորեն առաջացել է ուրարտական Բառնի կամ Բառնի
անունից (էջ 113), չի կարող հիմնավոր համարվել թեկուղ այն պատճառով, որ ուրարտերեն
արձանագրություններում այդպիսի տեղանուն ցարդ չի հայտնաբերված (տե՛ս Н. В. Ару-
тюнян, Топонимика Урарту, Ереван, 1985, с. 53—54)։ Ուշագրավ է, որ Աշխարհացույցի
այն ձևագրերում, որտեղ Վասպուրականի գավառացանկում ավելացված է Ադիոմիտ կամ Բա-
նիդոմիտ, գավառների թիվն էլ 35-ի փոխարեն նշված է 36 կամ 37։

⁸⁹ Պատմություն Սեբեոսի, գլ. ԽԲ, էջ 138։

⁹⁰ Աշխարհացույց, էջ 31։

⁹¹ Նույն տեղում, էջ 32։

⁹² Թուվմայի բնագրում (էջ 382) գավառանունը վկայված է սեռական հոլովով՝ Հաղացով-
տի, որ սկզբնապես կարող էր գրված լինել նաև յԱղացովտի (ներգոյական հոլով)։ Իսկ Փավս-
տոսի մոտ (Դ. ծե, էջ 206) Ադիոմիտ ներգոյական հոլովում հանդիպում է յԱդոնեմովտի ձևով, որ-
հեղուկությամբ կարող էր վերածվել յԱղացովտի։

⁹³ Պատմություն Սեբեոսի, գլ. ԺԱ, էջ 76 և Գլ. ԺԲ, էջ 84։

Քանի որ Առեստավանը գտնվում էր Առքերանի գավառում⁹⁴, որին արևմուտքից սահմանակից էր Աղիովիտ գավառը, ապա հասկանալի է, որ 591 թվին Տարուբերան (Տարուն) աշխարհի հետ Բյուզանդիային անցավ նաև Աղիովիտը, որտեղ գտնվում էին Գնունյաց տոհմի կալվածները⁹⁵:

Թովմա Արծրունու վկայությունից երևում է, որ Հաղացովիտը (Աղիովիտ) նրկավ բերդով VII դարի սկզբին պատկանում էր Մեծեծ Գնունուն և մտնում էր Վասպուրական բաժնի մեջ, որից հետո Գնունու սերնդից այն խլեցին Բերկրացիք, իսկ սրանցից էլ՝ Մանավազեցի արաբ տիրակալը⁹⁶:

Այստեղից դժվար չէ եզրակացնել, որ Աղիովիտը Վասպուրականին կամ Տարուբերանին պատկանելու վեճը առաջ է եկել 591 թվին հաջորդած վարչատարածքային տեղաշարժերի հետևանքով, երբ այն Տարուբերանի հետ անցավ Բյուզանդիային, իսկ X դարի սկզբում վերականգնվեց Վասպուրականի թագավորության մեջ: Ուստի Աշխարհացույցի համառոտ խմբագրության ձեռագրերում Վասպուրական աշխարհում այդ գավառի հիշատակումը ուշ շրջանի արդյունք է և արտացոլում է Վասպուրականի թագավորության ընդգրկած տարածքը: Ըստ այսմ պետք էր սպասել, որ Թովման, որը լավատեղյակ էր իր հայրենի Բզնունյաց ծովի շրջակայքին, իր բերած Վասպուրականի գավառացանկում Առքերանի կողքին նշած լիներ Աղիովիտ (կամ գոնե, Հաղացովիտ) գավառը Բզնունյաց ծովի հյուսիսում, ինչը սակայն, բացակայում է, իսկ դրա փոխարեն գավառացանկում առկա է Բառիլովիտ⁹⁷, որն անծանոթ է Աշխարհացույցի թե՛ ընդարձակ խմբագրությանը և թե՛ համառոտ խմբագրության ձեռագրերի մի մասին:

Ակնհերև է, որ հետագայում որևէ մեկը Աշխարհացույցի համառոտ խմբագրության իր ունեցած գրչագրում Վասպուրականի գավառացանկում Աղիովիտ դարձրել է Բ Աղիովիտ (երկրորդ Աղիովիտ. հմմտ. Բ Հայք—Աշխարհացույց, էջ 25)⁹⁸: Տարուբերան նահանգի համանուն գավառից զանազանելու համար (ըստ այսմ էլ ուղղվել է Թովմայի գավառացանկը): Այս է պատճառը, որ Աշխարհացույցի համառոտ խմբագրության ձեռագրերում Վասպուրական աշխարհի 5-րդ գավառը (Արճիշակովիտի և Կուղանովիտի միջև) պահպանել է սկզբնական Աղիովիտ անվանը մոտ ձևերը՝ Աղովիտ, Աղավիտ⁹⁸, իսկ մյուս ձեռագրերում կոչված է այլևայլ աղավաղված անուններով՝ Բառիլովիտ, Բառիլովիտ, Բառողովիտ, Բալախովիտ, Բառիզակովիտ (հավանո-

⁹⁴ Աշխարհացույց, էջ 32:

⁹⁵ Գնունյաց տոհմը Աղիովիտ գավառում կալվածներ ուներ դեռ IV դարում: Խորենացին գլխում է, որ Արշակ թագավորի եղբորորդի Գնեղը Աղիովիտի Շահապիվան լեռը ժառանգություն էր ստացել իր մորական պապից՝ Գնեղ Գնունուց (Խոր., Գ. իգ, էջ 284): Աղիովիտում էր գտնվում Եղիա Ա կաթողիկոսի (էջ 703—717) հայրենի Արճեղ գյուղը (Յովհաննու կաթողիկոսի Դրասխանակերտցույ Պատմութիւն հայոց, Թիֆլիս, 1912, էջ 97), իսկ X դարի մի անանուն ժամանակագրություն Արճեղ քաղաքը դնում է Գնունյաց գավառում (Թովմա Արծրունի և Անանուն, Պատմութիւն տանն Արծրունեաց, Յաւուլած՝ Վասն անցիցն անցելոցն ընդ Հայս...ս, Երևան, 1985, էջ 478): Նշանակում է Աղիովիտը կամ նրա մի մասը կոչվել է նաև Գնունյաց գավառ:

⁹⁶ Թովմա Արծրունին հաղորդում է, որ հայոց 351 (902) թվականին Սմբատ Թագավորը գրավեց «և զբերդն Երեկաւ Հաղացուտի, զոր հանեալ էր մանազանցոյն ի բերկրացոյն. նոցա հանեալ էր ի Գնունի աղէն, ի զարմէ Մեծեծ Գնունոյ, ի Վասպուրական բաժնէ, նաև Բերկրի բաժին եղեալ էր Վասպուրականի» (Թովմա Արծրունի, էջ 382): Ինչպես Սեբեոսից հայտնի է, Մեծեծ Գնունին նշանավոր հայ նախաքար էր, որ Հերակլ կայսեր ժամանակ (610—641) նշանակվել էր Բյուզանդիայի գերիշխանության տակ անցած Հայաստանի (Տանուտիրական տան) զորավար (Մեքէոս, գլ. ԽԱ, էջ 131):

⁹⁷ Թովմա Արծրունի, էջ 383:

⁹⁸ Մովսիսի Խորենացու Մատենագրութիւնք, էջ 608, Mosls Chorenensis, Geographia, Leodini, 1736, p. 350.

րեն այսպես է ձևափոխվել դրան նախորդող Արճիշակովիտ անվան ազդեցությամբ) և այլն⁹⁹։

Այսպիսով, սկզբնապես, մինչև 591 թիվը Մարդպետական գնդի մեջ էին մտնում նաև Աղիովիտ և Առբերանի գավառները, որոնք նույնպես արքունական կալվածներ էին։ Խորենացին քաջ գիտեր, որ դեռ մ. թ. ա. I դարում Աղիովիտ և Առբերանի գավառները արքունի սեփականություն էին և Արշակունի թագավորները՝ սկսած Արտավազդ Ա-ից, այդ գավառների արքունի շենքից մաս էին հատկացնում իրենց ժառանգներին՝ բնակության համար. «Թողլով ի նոսա զմասն արքունի, որ ի շէնսն այնց գաւառաց»¹⁰⁰։

(Շարունակելի)

⁹⁹ Ավելորդ է նշել, որ Մաշտոցի անվան Մատենադարանի № 582 ձեռագրի Բռնիզովիտ գավառը (Յաղազս աշխարհազրութեան, թերթ 179ա) Ա. Աբրահամյանի հրատարակած բնագրում դարձել է Բռնիզովիտ (Ա ն ա ն ի ա Շ ի ր ա կ ա ջ ու մ ա տ ե ն ա զր ու թ յ ու ն ը, Երեւան, 1944, էջ 359)։

¹⁰⁰ Խ ո ռ., Բ. ի բ, էջ 137։